



# Lectioes Plautinae.

PROGRAMM

des

**Königlichen Ludwigs-Gymnasiums**

zum

Schlusse des Studienjahres 1865/66

von

**Dr. A. Spengel.**

**München**

Druck von F. Straub (Wittelsbacherplatz 3)

1866.



Truculentum, fabulam pessime depravatam, etsi in integrum restituere unius hominis non est, tamen mea opera pro virili parte emendatiorem fore, postquam in ea emendanda multum sudavi, non sine aliqua causa speraverim. Sed ipsam editionem in proximum annum differre invitatus cogor. Nam hoc tempore, Truculento truculentiore, inter armorum strepitum musae turpiter tacent. Qua de caussa interim rem ita institui, ut hac praefandi occasione oblata, quae apta viderentur, iam publici iuris facerem, reliqua suo tempori reservarem.

Ut ad ipsam rem adgrediar, nunc vulgatur prol. v. 7:

*Enim hercle* in vobis resident mores pristini,

antea *en mehercle* scribebatur, neutrum Plautinum. Codd.: *eum hercle*, B.: *eū hercle*, unde reponendum erat:

*Eu hercle* in vobis resident mores pristini.

*eum* ex *eu* ortum esse linea male superducta scriptura codicis B. testatur. Eodem modo haec verba coniuncta habes, ut initium faciant senario, Pers. 706; Rud. III, 5, 41; Men. 737; 872:

*Eu hercle* nomen multimodis scriptumst tuom

*Eu hercle* ne istic fana mutantur cito

*Eu hercle* mulier multum et audax et mala's

*Eu hercle* morbum acutum: di vostram fidem

hic enim verborum ordo in codd. est postremo versu. Accedunt Most. 585 et Men. 315, quo posteriore loco Ritscheli non debebat *eu* extra versum ponere.

I, 1, 11: Ob eam tres noctes dantur, interea loci

Aut aera aut vinum aut oleum aut triticum

Temptat, benignusne an bonae frugi sies.

*dantur* recte Bothius correxit ex *dutor* (cf. II, 2, 25; I, 1, 21; Trin. 251), ante quem *utor* male scribebatur. *benignusne an bonae frugi sies* epexegetice ad *temptat* adduntur. Hoc enim dicit: rem familiarem petit, scil. utrum eam prodigus dissipet an parcus serves. Quare non egemus Gepperti mutatione: «noctes *duco*, *cum* interea — aut oleum [*perit*] aut triticum. Tentat benignusne e. q. s.» quae ne placet quidem propter mutatas personas *duco* et *sies*. Idem monere praetermisit, *cum*, quam vocem ante *interea* interposuit, in codd. non exstare. Altero versu Bothius *olivom* cum hiatu penthemimere, quod sane licebat. Plautus enim non minus *olivom* habet (Pseud. 210; Asin. II, 4, 26) quam *oleum* (Pseud. 213; Poen. V, 4, 66). Sed inter singulas rei familiaris partes *aurum* pretiosissimum desideratur, quod et alibi primo loco poni solet et I, 1, 32 diserte nominatur. Equidem non dubito, quin hac potissimum ratione versui mutilo succurrendum sit:

Aut [aurum aut] aera aut vinum aut oleum aut triticum.

\* I, 1, 18: Si raras noctes ducit, ab animo perit,

Sin crebrauit, ipso gaudet, res perit.

*sin crebrauit* B., unde proficiscendum est; *si increbrauit* vel *sin increbrauit* rel. Hoc posterius a Camerario in contextu repositum omnes editiones occupavit. At neque *increbrare* neque *increbrascere* — ab utroque enim editores istam formam ducebant — sermonis latini est neque, si esset, sententiae sufficeret, quia noctes crebras facere, sive, ut isto vocabulo utar, *noctes increbrare* in meretricis, non in amatoris arbitrio positum est. Paucae literae addendae videntur, ut non minus *ducit* ex praecedente versu repetatur quam repetitum est *perit*; amat enim hoc Plautus in contrariis. Hoc dico:

Sin crebra[s d]u[c]it, ipso gaudet, res perit.

\* Dum haec prelo subiciuntur, et hanc et infra I, 2, 71 emendationem praecoccupavit Studemund Herm. I p. 303.



I, 1, 30: Iteca in aedibus lenosis

Priusquam unum dederis centum quae poscat parat.

Camerarius: «Ita [disciplina] in aedibus est (debebat *aedibust*) lenoniis». Bothius mira temptavit. Contra acute Geppertus: *ita cantios*, ductus haud dubie Stich. v. 707 (cantio Graecast) et Trin. v. 287 (haec canto). Sed tunc quae sequuntur hunc fere in modum reficta esse debebant: «Priusquam unum *accipias*, centum quae poscas *para*.» Quare hauscio an rectius scripseris:

Ita e[st ami]ca in aedibus lenoniis.

Satis hoc frequentatur apud Nostrum II, 1, 41: *ita est agrestis*; IV, 4, 36: *ita sunt gloriae meretricum*; Men. 100: *ita est adulescens*; Rud. prol. 3: *ita sum*; Merc. 442: *ita illest senex*, al.

I, 1, 71: Eo isti subpositum puerum opus [est] pessumae.

*opus est* cum accusativo *suppositum puerum* iungunt idque saepius fieri Nonius p. 482 his verbis affirmare videtur:

«Sic et *opus est* illam rem pro illa re. Plautus Cistellaria: malum aufer, bonum mihi opus est.

Et in Captivis; iam maritimi omnis milites opus sunt tibi. Lucretius lib. II: scire licet nihil principiis opus esse colores. Turpilius Lindia: me vis potiri fac ego potior quod volo.»

At ex his verbis corruptis huic corrupto Truculenti versui (et infra V, 5, 10) defensionem parari merito mireris, quum et ipsa res doceat, Nonium aliud profiteri, aliud exemplis demonstrare, et Lachmannus (Lucr. II, 815) Noni verba dudum recte correxerit: «Sic et opus est *illa res pro illa re*.» In Captivis enim (I, 2, 61) *milites* ne potest quidem accusativus esse, quia sequitur «opus sunt» non «opus est». Denique sponte apparet, Turpili verba ad hanc rem non pertinere sed loco suo aberrasse. Spectant enim ad verbum *potior* de quo Nonius paullo ante disseruerat. — Prope recedit a codd. scriptura:

Eo isti subpositus *puerus* opus est pessumae

tradit enim Priscianus p. 231 H. vetustissimos etiam «hic puerus» et «hic» et «haec puer» et «puellus, puella» protulisse, quo in numero Plautum nominat.

Post I, 2, 61 olim locum habuisse potest versus qui servatus a Prisciano p. 100 Plautinis codd. intercidit. Affert enim Prisc. ex Truc.:

Bona perdidit, mala repperi, factus sum *extimus a vobis*,  
cui fragmento Hertzius quoque (ad Prisc. l. l.) eundem locum assignare videtur, si quidem recte interpreter. Sed corruptelam latere et numeris et verbis docemur. Facile corrigitur:

Bona perdidit, mala repperi: factus sum *extremus vobis*  
quod ne temere scriptum videatur, Prisciani verba infra adscribam:

«Est quando una vincitur syllaba, ut quando in 'fimus' vel 'timus' vel 'remus' desinit, ui 'inferior infimus', 'ulterior ultimus', 'exterior *extremus*' vel '*extimus*'. Varro in chorographia:

— — huic *extima* fluctu

Oceani interior Neptuno cingitur ora.

Plautus in truculento:

Bona perdidit, mala repperi: factus sum *extimus* (corr. *extremus*) vobis.»

Dicit igitur *extremus vel extimus*, quod utrumque exemplo probat, alterum ex Varrone alterum ex Plauto. Ad vocem *extremus* respicit Astaphium inf. v. 64, quum dicat: qui antehac amator *summus* habitus'.

I, 2, 71: Certe hercle quam veterrumus homini optumus amicus.

contra dictionem Plautinam; desideratur enim *tam*, quod respondeat voci *quam*. Codd. non dubia vestigia servarunt, quum pro «homini» *amomini* praebeant, i. e.:

Certe hercle quam veterrumust, *tam homini* optumust amicus.

I, 1, 82. Postquam Astaphium audivit, Diniarchum non totam rem familiarem perdidisse, statim *mutata* sententia ait:

ut expectatus

Peregre advenisti: nam obsecro cupiebat te era videre.

Di. Quid tandem? Ast. Te unum ex omnibus amat. Di. Euge fundi et aedis.

Jam Acidalius voce *obsecro* offensus scribebat: «nam cupiebat te era videre. Di. Obsecro? Ast. Quae tandem te unum ex omnibus amet» adversantibus et numerorum et linguae comicae legibus; non enim ponitur *obsecro* nisi aut in interrogatione, praemisso pronomine interrogativo, aut cum imperativo. Speciose Geppertus *obsecro* in *oppido* mutato reliqua servat. Sed loco accuratius excusso ne id quidem satisfacere et hunc potius in modum simul emendata personarum distinctione corrigendum esse videtur:

ut expectatus

Peregre advenisti! Di. *Num*, obsecro, cupiebat *me* era videre?

Ast. Quid tandem? te unum ex omnibus amat. Di. Euge fundi et aedis.

Posterioris versus hic sensus est: «Quo modo interrogare potes, an te videre cupiat? immo te unum ex omnibus amat.»

II, 2, 1: Quis illic est, qui tam proterve nostras aedis arietat?

Ego sum: respice ad me *quid ego nonne ego videor te tibi*.

Ita B.; contra A.:

QUID EGONOUITEUIDEOTIBI

quibus traiecto *video* sic utitur Geppertus: *Quid ego video? novi, vae tibi*. Mihi in emendando loco difficillimo proficiscendum esse videtur a simili scenae initio Amph. IV, 2, 1:

M. Quis ad fores est? A. Ego sum. M. Quid, «ego sum»? A. Ita loquor. M. Tibi Juppiter

Dique omnes irati certo sunt qui sic frangas fores.

Apparet, hoc ita dictum esse, quasi «ego sum» nomen proprium sit. Truc. quoque loco idem iocus inerit, si et Ambrosiani et Vaticani vestigiis usi scripserimus:

A. Ego sum: respice ad me. St. Quid, «ego»? A. Non vides? St. Video: em tibi!

Astaphium priusquam fores aperiat, nomen pultantis quaerit. Qui quum nominis loco responderet: «ego sum», ait illa: quid? «ego» nominaris? Jam apertae sunt fores. «Nonne me vides?» serva pergite et servus eam agnoscens verberibus pellit. Verberantis enim est *em tibi!* Cf. Curc. V, 2, 26: Th. Ergo ambula in ius: *em tibi!*

C. O cives, cives!

II, 2, 7: A. Comprime sis [e]iram eam qui te hercle. St. Tu quae solita's comprimas.

Impudens quae perridiculum rustico suades stuprum.

A. [E]iram dixi: ut secepisti, demsisti unam litteram.

Haec Ambrosiani scriptura. Vaticanus primo versu: *Comprime spero meam quidem hercle tuque solitas comprimas*. Poëtam vocabulis *eira* (ira) et *era* (hera) ludere et *eiram* scribendum esse, id quod Geppertus vidit, ex postremo versu liquet. Sed non potest acquiesci in Ambrosiani lectione, quia neque ex more Plautino hoc loco oratio interrumpi potest et lusus verborum flagitat, ut utrumque verbum pronuntietur. Sic, ni fallor, olim scriptum erat:

A. Comprime istam eiram. St. Eram quidem hercle tu quae solita's comprimas.

*Comprimere* duplici sensu positum est, et comprimere iram, i. e. compescere iram et comprimere heram, i. e. heram incestare. Dicit servus: tu mihi suades, ut heram comprimam: immo te potius meretricem decent hae res impudicae. Eodem vocabulo luditur Rud. IV, 4, 29; Cas. II, 6, 10; Amph. I, 1, 192: *ego tibi istam hodie scelestam comprimam linguam*. S. *Hau potest: bene pudiceque adservatur*, unde etiam *istam* assumpsit. — Denique postremo versu non intelligitur, quid sibi velit *ut secepisti* et confidenter repono:

Eiram dixi: *tu secepsti*, dempsisti unam litteram.

II, 4, 24: Utinam item a principio rei *pepercisses* meae

Ut nunc *repercis* saviis.

*repercere* idem est atque *parcere* vid. Lucr. I, 688, Symmach. Ep. 1, 33. Quodsi altero versu verbum compositum legitur, etiam priore desideratur neque a vero aberrabimus, si correxerimus:

Utinam item a principio rei *repersisses* meae

ita *parsi* perfecti forma utitur Noster Trin. 316; Pers. 572.

II, 4, 54: Quid multa verba faciam? tonstricem Suram

Novisti nostram quam erga aedem sese habet?



Magis rhetorice quam vere Lipsius: Quis, inquit, negabit legendum: *quae [modo] erga aedis habet?* Bothius sic fulcit: *quae [nunc] erga aedis habet?* Geppertus pronomine cum aedes coniuncto: *novisti nostras aedes erga quae habitat?* quod, quum quinta arsis talem hiatum respuere soleat, non comprobaverim. Neque placet *tonstricem* pronomine omisso praesertim collatis IV, 4, 3: «nam mihi dividia est *tonstricem meam* sic mulcatam male» et IV, 2, 63: «alteram *tonstricem huiusce*, alteram ancillam suam.» Non magis autem pronomen ab *aedis* abesse potest, quo omisso, quas aedes dicat, non liquet. Ita et sententia et numeri suadent, ut utrumque pronomen reponamus, unde *quae* corruptelae causa fuerit facile intelligitur:

*tonstricem Suram*

Novistin nostram, [nostras] *quae erga aedis habet?*

Praeterea *novistin* scripsi pro *novisti* propter interrogationem, *quae* mutatio eo levior est, quod proximum vocabulum ab *n* litera incipit.

II, 4, 72: Quin dis hodie sacrificare pro puero volo

Quinto die quod fieri oportet. D. Censeo.

Priori versui editores trajecto *hodie* mederi solent: *Quin dis sacrificare hodie pro puero volo*, quo facto numeri sane procedunt. Sed alterum vitium in verbis latet. Postquam enim Phronesium dixit, se aliquo modo divortium et discidium cum milite paraturam esse et cum Diniarcho adsiduo fore, et Diniarchus per iocum respondit: «Immo hercle vero ad cubuo mavelim», soloece neque ullo sententiarum nexu illa pergit: «*Quin* dis e. q. s.» Utrique rei subsidium paratur deleto *Quin*, quod ex proximi versus initio irrepsisse videtur. Facillime enim librarii oculi ad *Quinto* aberrare potuerunt, cuius vocabuli postquam priorem syllabam perscripsit et se aberrasse intellexit aut ipse eam delere praetermisit, aut, quod magis placet, signum quo delendam esse notaverat, ab aliis neglectum est. Eadem cum re Vaticani turbae cohaerere possunt, in quo post v. 69 ex v. 68 male iterantur: «Adsi do immo hercle vero». Numeri igitur sunt hice:

Dis hodie sacrificare pro puero volo.

II, 6, 26: St. Meus est: scio iam de argumentis. A. Nimum quidem similit. St. Papae,

Iam magnust? *iamne electat* legionem quam *spoliare volt?*

Stratophanes ex Astaphio quaerit, an filius iam magnus sit et se fortem militem praestet. Lectio vulgata, quam intellegunt: «eligit sibi legionem, ut eam postea armis spoliet» plane nihili est. Quis unquam eam militis virtutem esse dicet, ut sibi legionem spoliandam eligat, quid gloriae inde redundabit? Atque, ut de pessimis numeris taceam (*électát*), quid sibi vult forma iterativa *electare*? An alio tempore aliam eligere solet? Porro ut nos recte dicimus «er wählt sich eine Legion aus, der er die Waffen abnehmen will», ita linguae latinae genio male convenit: «*electat*, quam *spoliare volt*». Debet enim esse: «*electat* legionem quam *spoliet*». Neque alibi poeta verbo *spoliare* utitur, saepe substantivo *spolia*. Denique, quod maximi momenti est, *electare* prorsus aliam vim habet apud Nostrum, quod hisce locis docemur: Asin. II, 2, 29: *Quae illaec praedast? ibo adversum atque electabo*, Merc. 224: *Ne te opprimeret imprudentem atque electaret*. Gepperto quidem sic scribenti: «Iam magnust? *iam leto dat* legionem quam *spoliare volt?*» ea in re prorsus assentior, quod quum praecedat *iam magnust?* etiam posteriore loco *iam* pro *iamne* reposuit. Reliqua vero mihi neque locum persanare et magis poetice et elate dicta esse videntur quam pro comoedia et pro milite. Iam, *quae* in codibus tradita sunt, adscribam, unde ad emendationem via paretur:

Iam magnust *iamne letat* legionem quam *spoliaret velit*

*quae* sic corrigenda esse arbitror:

Iam magnust? *iam eit ad* legionem? *qua[e ia]m spolia rettulit?*

ita Most. 129: *ad legionem quom itur*. De spoliis cf. v. 41: *aedis spoliis opplebit tuas*, v. 42: *priusquam spolia capiat*. «*Rettulit*» primam semper producere, vix est quod moneam. (vid. Asin. II, 4, 35 et 38.)

II, 6, 52: — — poenitetne te quot ancillas alam

*Quin etiam men* super adducas *quae* mihi comedint cibum

*quot ancillas alam* et dudum recte emendasse mihi videor et Donati vestigiis aliquo modo comprobatur, qui ad

Eun. V, 7, 12 *quod ancillam solam* affert. Nostri codd.: *quod ancilla siam* vel *quod ancillast iam*. Altero versui, cui veteres editores pessime consuluerunt, ne recentiores quidem satisfacisse opinor. Nam, ut reliqua taceam, omnes *Quin* servant, pro qua voce hoc loco ex more Plantino *Qui* desideratur. De sententia dubitari non potest. Stratophanes duas ancillas Phronesio adduxit, quod donum amicae minime gratum est, cum se ipsam satis habere dicat neque opus esse, ut aliorum hominum ancillas alat. Literis autem non male rationem habebimus hac correctione:

— poenitetne te, quot ancillas alam,

*Qui etiam alienas superadducas, quae mihi comedint cibum?*

Etiam Mil. 431 *alieni* servi dicuntur, qui alienae familiae sunt.

II, 6, 58. Alia quoque dona Stratophanes attulit. Sequitur enim paucis versibus interiectis:

*purpuram ex Sarra tibi*

*Attuli et induvias Ponto amoenas: tene tibi voluptas mea.*

*ex Sarra* palmaris emendatio (codd. *exarat*) Scaligero debetur. Reliqua ita ut supra adscripsi et a codicum memoria satis remota et nullis numeris olim vulgabatur. Alii alia tentaverunt, vel *et duas Ponto Amazonas* vel *et dua Ponto amicula* vel *et duas Ponto amoenas* vel alia non magis Nostro digna. Mihi cum haec in codicibus exstent:

*Attuli et tuas ponto amoenas* tene tibi voluptas mea,

dubium non videtur, quin poetae manus sic restituenda sit:

*Attuli et tus Ponto amoenum: tene tibi voluptas mea.*

De ture ex Ponto advecto cf. Trin. 934: «Eho an etiam Arabiast in Ponto? S. Est: non illa, ubi tus gignitur.» *amoenum* cf. Mil. 412: «ut Arabio fumificem odore amoene».

II, 7, 56: Dona accepta et *grata habeo* tuaque ingrata quae abs te accepi.

Recte se habent numeri tetrametri trochaici acatalecti, nisi quod vitiosus est hiatus inter *grata* et *habeo* vocabula, ad quem removendum noluerim *grataque* pro *et grata* scribere sed leviori mutatione:

Dona accepta et *grata habeo* tuaque ingrata quae abs te accepi.

I, 7, 64: Tetrametros ereticos haec verba sequuntur:

Iam ego te hic offatim conficiam. G. Occidi optimumst,

quae neque creticos neque trochaicos numeros profitentur. Partem veri intellexisse mihi videtur Geppertus sic scribens: «*Jamiam* te egomet hic offatim conficiam. G. Occedi optimum est.» Duplicavit enim *iam*, quod ter ponere debebat nulla praeterea mutatione facta:

Iám iam iám ego te híc offatim cóncifiam. G. Occidi. St. Optumumst.

Supra enim (v. 61) hic tetrameter troch. in codd. traditus est: «Etiam scelus viri minitare, quem ego offatim *iam iam iam* concipilabo», quem deletio triplici *iam* numeris suis reddendum esse Gepp. intellexit: «Étiam scelus viri minitare, quém ego offatim cóncipilabo». Vides igitur easdem syllabas, quae hoc loco redundant, illi versui numeros supplere et propter simillima verba *ego te hic offatim conficiam* et *quem ego offatim conficiam* loco suo aberrasse. Aptissimum autem est triplex *iam*, nam miles servum aggreditur et se iam percussurum esse saepius minitatur. Praeterea personas mutavi. *Occidi* servi est, qui a milite feritur, *optumumst* militis gaudentis, quod hominem probe percussit.

II, 8, 9: Num quippiam *avarum* mutat mores mulierum?

Ita Camerarius. B: *avarum ut at*; CD: *avarum ut ad*. Dicit Stratophanes, celerrime mutari mores mulierum. Nam postquam Phronesium filium peperit, animum sustulit, ut patrem quam maxima pecunia circumduceret. Permulta tentata sunt ab editoribus. Nemo tamen a voce *avarum* recessit, qua in voce haud dubie corruptela latet quamquam levissima: Una enim litera dempta restitues:

Num quidpiam *aurum* mutat mores mulierum?

i. e. nonne mores mulierum auro celerrime mutantur?

III, 1, 16: Post id locorum matrem: nunc *hodie feram*

Argentum ad hanc, quam mage amo quam matrem meam.



Quid sibi vult *hodie*? nonne otiosissimum est? Non solum *hodie*, sed *nunc*, hoc ipse temporis momento, argentum ad amicam fert. Noli igitur negligere cod. B scripturam, qui *hoc die eferam* praebet, unde profectus recte emendare mihi videor:

Post id locorum matrem: *nunc hoc deferam*

cf. Men. 426: *ad phrygionem ut deferas*; ib. 525: *ut ad aurificem deferas*; ib. 561: *atque ad amicam deferat*; ib. 952: *qui illunc ad me deferant* et passim.

III, 1, 19: A. Quid istuc *alienum* est, mi Strabax,

Qui non extemplo introeas? anne oportuit

Ita te quidem, qui es familiaris? St. Ibitur.

Postquam Strabax, qui argentum adfert, fores pultavit magna voce clamans: *At equis intus? ecquis aperit ostium?* — sic enim me iudice legendum est — Astaphium domo prodit et miratur quod non extemplo introeat. Verba non una ex parte laborant. Apparet enim et offendere *qui* pro *quod* et *oportuit* pro *oportet* et obscure dictum *ita oportuit* pro *ita manere oportuit* et *quidem*, in interrogatione positum. Ne longus sim, et personarum notis aliter distributis et levi mutatione locum ita ut restituas suadeo:

A. Quid istuc? *alienum* es, amabo, mi Strabax,

Qui non extemplo introeas? St. Anne oportuit?

A. Ita te quidem, qui's familiaris. St. Ibitur.

*alienum* es, num ignotus et peregrinus es, qui ante fores adstes? cf. Aul. I, 2, 12: «cave quemquam *alienum* in aedis intromiseris»; Capt. I, 2, 43: «*alienus* quom eius incommodum tam aegre feras». Forma *alienum* es eadem est atque *sanum* es supra II, 4, 13; Capt. II, 3, 16 et passim. *Alieno* opponitur *familiaris* et *noster* (I, 2, 104). Respondet Strabax: *anne oportuit?* i. e.: an re vera introire debebam? et Astaphium benigne: *ita te quidem* scil: oportuit; sane introire debebas, qui es familiaris.

IV, 2, 34: Non licet *do* obsoni me participem fieri?

Sic B, rectius, ut solet, quam CD, in quibus *do* depravatum est in *de*. Diniarchus particeps fieri vult obsoni, quod ipse meretricibus dedit. Versui aliquot syllabae desunt, in quibus supplendis editores CD scriptura nixi *de obsoni* [parte] et *de obsoni* [mna] et alia similia tentabant, nisi quod Geppertus *modo obsonati* scribit, ea in re sane laudandus, quod Vaticani *do* truncati vocabuli partem esse statuit. Sed ipsa coniectura non satis placet, immo rectius sic suppleveris:

Non licet *do*[nati] obsoni me participem fieri?

IV, 3, 68. Callicles Diniarchum in ius ire iubet. At ille: «Quid vis, inquit, in ius me ire? tu es praetor mihi: verum te obsecro ut tuam gratam des mihi uxorem Callicles.» Respondet hic:

*Eundem* pol te iudicasse *quidem* istanc rem intellego.

Nam haud mansiti, dum ego darem illam: tute sumpsisti tibi.

codd. *eundem* pul et omnes *quidem*. Numeri claudicant, quos traiecto *quidem* (istanc quidem) haud sane eleganter emendaveris. Porro prorsus ineptum est *eundem*, quum haec sententia esse debeat: «Non opus est iudice, nam tu ipse iam dudum iudicasti». Repono:

*Eu edepol* te iudicasse *pridem* istanc rem intellego.

*eu edepol* cf. III, 2, 27; Rud. II, 4, 2; Most. 981.

IV, 4, 34: *Quae cum mutum* abstulimus *au mutum* apparet quod datum est.

Ita sunt gloriae meretricum. —

Admodum languet quod vulgatur: «quia *cum multum* abstulimus, *haud multum* apparet (vel «haud apparet multum») quod datum est». Praecedunt autem haec verba: «quem amo dum *id quod cupio* inde aufero», quae verba ut sic scribamus suadent:

*Quom cupitum* abstulimus, *hau cupitum* apparet quod datumst.

